

黃念祖老居士述

華嚴念佛三昧論講記

CH860-1106

**普爲出資及讀誦受持
輾轉流通者回向偈曰**

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
讀誦受持人 輾轉流通者
現眷咸安樂 先王獲超昇
風雨常調順 人民悉康寧
法界諸含識 同證無上道

中華民國八十六年一月 恭印三、七五〇本

華嚴念佛三昧論

發行人 ◆ 孔服農

出版者 ◆ 財團法人佛陀教育基金會

地址 ◆ 台北市杭州南路一段五十五號十一樓

電話 ◆ (02) 三九五一一九八

傳真 ◆ (02) 三九一三四一五

劃撥帳號 ◆ 0七六九四九七九

護名 ◆ 佛陀教育基金會

贈送處 ◆ 佛陀教育基金會附屬華藏講堂

台北市杭州南路一段五十五號二樓

行政院新聞局出版事業登記證局版臺業字第二八六九號


【贈送品 · 歡迎翻印 · 功德無量】

敬請

常念

南無阿彌陀佛 · 求生淨土


南無觀世音菩薩 · 消災降福



法華經

法華經





W484/06

華嚴念佛三昧論講記目次

黃念祖居士一九八八年講於北京居士林

(本記據黃居士錄音帶整理成文後，復經黃老居士親自校訂)

華嚴念佛三昧論敘 無餘學人王文治撰…………… 1

華嚴念佛三昧論 菩薩戒弟子彭際清述…………… 5

華嚴念佛三昧論講記 黃念祖居士一九八八年講…………… 33

華嚴念佛三昧論表解…………… 199

華嚴念佛三昧論敘

大乘起信論云。一切眾生不名為覺。以從本來念念相續。未曾離念。念者不覺也。佛者覺也。念佛者以覺攝不覺也。念佛三昧者。以覺攝不覺。入于正覺海也。華嚴具諸佛一切三昧。而其間念佛三昧。為一切三昧中王。大莫過于是。方莫過于是。廣莫過于是矣。

知歸居士修念佛三昧者十數年。而又于華嚴義海。一門深入。頃過鎮江。出所著華嚴念佛三昧論見示。舉清涼棗柏恆河沙字數。而包舉以五六千言。覺疏鈔合論非多。此論非少。且當棗柏著論時。行願全品未至此方。故于他方淨土。輒生別異。此品全出。必待此論而義

始完。其殆阿彌陀佛神力加被。俾居士隨宜說法。廣導群品者乎。

竊謂念佛修淨土者。轉煩惱惡血。為清淨法乳也。由念佛而獲三昧。所謂念歸無念。轉生乳為熟酪也。于三昧中精進念佛。所謂無念而念。變熟酪為生酥也。由念佛三昧。遍歷一切三昧。夫然後具足念佛三昧。變生酥為熟酥也。以念佛三昧。統攝無量無邊不可說三昧。以無量無邊不可說三昧。攝入念佛三昧。即念即佛。非念非佛。微妙神通不可思議。轉熟酥為醍醐也。不能轉乳為酪。雖念佛而不能得三昧門。不能變酪為酥。不能以念佛三昧攝一切不可說三昧門。不能轉酥酪為醍醐。不能以念佛一門。直超十地等覺。獲大圓鏡智。坐證無

上菩提。夫念佛無差別。而三昧有淺深。三昧之淺深。念佛之差別也。

文治自弱冠即喜修禪。四十以後。始兼修念佛。比年來以念佛為禪。復以禪念佛。禪淨並運。將終老焉。敢以所見質之居士。幸有以教我。

歲次甲辰春三月

無餘學人王文治撰



華嚴念佛三昧論

菩薩戒弟子彭際清述

念佛法門。諸經廣讚。約其總貫。略有二途。一普念。一專念。如觀佛相海經。佛不思議境界經等。但明普念。藥師琉璃光如來經。阿閼佛經。無量壽經等。特明專念。今此華嚴。一多相入。主伴交融。即自即他。亦專亦普。略標五義以貫全經。一念佛法身。直指眾生自性門。二念佛功德。出生諸佛報化門。三念佛名字。成就最勝方便門。四念毘盧遮那佛。頓入華嚴法界門。五念極樂世界阿彌陀佛。圓滿普賢大願門。別申問答。豁破群疑。普與見聞。同歸一乘云爾。

一念佛法身。直指眾生自性者。吾人固有之性。湛寂光明。遍周塵刹。諸佛別無所證。全證眾生自性耳。如來出現品云。菩薩摩訶薩應知自心。念念常有佛成正覺。何以故。諸佛如來不離此心成正覺故。如自心。一切眾生亦如是。悉有如來成正覺。廣大周遍。無處不有。不離不斷。無有休息。又云。無一眾生而不具有如來智慧。但以妄想顛倒執著。不能證得。若離妄想。一切智自然智無礙智。則得現前。

云何離于妄想。須知一切眾生顛倒執著。全是諸佛法身。何以故。顛倒執著常自寂滅故。于此信入。諸佛法身。無處不現。清淨圓滿。中不容他。念念不迷。心無所。從此起行。具足大悲。究竟大慈。于身無所取

。于修無所著。于法無所住。歷十住十行十回向十地十地。不離當念。因果圓成。故曰才發菩提。即成正覺。

如賢首品初發心功德品。廣明斯事。如是念佛。能于一切處見如來身。又如光明覺品。世尊放百億光明。從此三千大千世界。遍照十方。乃至盡法界虛空界。而文殊說頌。教人離于有無一異生滅去來種種諸見。遍一切處觀于如來。是爲入佛正信。

出現品亦云。諸菩薩摩訶薩。不應于一法一事一身一國土一眾生見于如來。應遍一切處見于如來。譬如虛空。遍至一切色非色處。非至非不至。何以故。虛空無身故。如來身亦復如是。遍一切處。遍一切眾生。遍一

切法。遍一切國土。非至非不至。何以故。如來身無身故。爲眾生故示現其身。

又云。菩薩摩訶薩以無障無礙智慧。知一切世間境界。是如來境界。知一切三世境界。一切刹境界。一切法境界。一切眾生境界。真如無差別境界。法界無障礙境界。實際無邊際境界。虛空無分量境界。無境界境界。是如來境界。佛子。如一切世間境界無量。如來境界亦無量。如一切三世境界無量。如來境界亦無量。乃至如無境界境界無量。如來境界亦無量。如無境界境界。一切處無有。如來境界亦如是。一切處無有。

何以故。以自心智智慧本無障礙故。無障礙智慧即如來境界故。此名念自性佛。亦名自性念佛。自性念佛者

。無佛外之念能念于佛。念自性佛者。無念外之佛爲自所念。不入此門。所念之佛終非究竟。以不識法身自性故。將謂別有故。入此門時。一念功德過于虛空。無有限量。

二念佛功德。出生諸佛報化者。一切如來稱法界量。現種種身。示無盡莊嚴。作無邊佛事。一以普光明智而爲其體。如世主妙嚴品云。智入三世。悉皆平等。其身充滿一切世間。其音普順十方國土。譬如虛空具含眾像。于諸境界無所分別。

以此智不思議故。無分劑故。爲能具足如斯力用。在凡夫地。聞法入理。得根本智。苟不能依智起行。圓修圓證。墮于二乘聲聞境界。諸佛大用不得現前。是故

此經初會六品。全顯如來果德。二會至八會三十二品。明進修階次。直至菩提。總之不出六位因果。爲令行者昭廓智境。窮諸行門。不取偏空而嚴佛土。

而初會中普賢三昧一品。正顯佛華嚴全體。經明普賢菩薩。入一切諸佛毘盧遮那藏身三昧。此三昧者。依于法界。稱性遍周。一切剎塵。普身示現。教諸眾生不舍塵勞。繁興大用。隨說世界成就品。說華藏世界品。以示淨穢諸刹。一切唯心。唯能深入普賢願海者。一切處無非佛土。一切時無非佛事。此三昧品貫徹全經。尋文自見。

至善財童子遍參知識。而德雲比丘。解脫長者。鞞瑟胝羅居士。俱以念佛一門而得解脫。如德雲言。我得

自在決定解力。信眼清淨。智光照耀。普觀境界。離一切障。善巧觀察。普眼明徹。具清淨行。往詣十方一切國土。恭敬供養一切諸佛。常念一切諸佛如來。總持一切諸佛正法。常見一切十方諸佛。

我得自在決定解力以下。即念法身佛也。往詣十方以下。即念報化佛也。隨順法身。起于報化。法身無量。所感報化亦復無量。故下文云。見于東方一佛二佛十佛百佛千佛百千佛乃至不可說不可說佛刹微塵數佛。如東方。南西北方。四維上下。亦復如是。

是名憶念一切諸佛境界智慧光明普見法門。諸佛別無境界。唯以智慧光明。隨順眾生而作佛事。此念佛人亦復如是。由信解具足故。能入佛智慧。由觀行具足故

。能見佛光明。智慧光明不從人得。唯藉緣因得顯發故。

下文又開諸大菩薩三七念佛門。盡于十方三世及一毛端量處。念念佛出世。念念佛說法。念念佛滅度。一以自心無邊智行而爲其體。本具三身。一念相應。名爲念佛三昧。入此三昧門。即能遍攝一切諸三昧門。

又如解脫長者言。我入出如來無礙莊嚴解脫門。見十方各十佛刹微塵數如來。彼諸如來不來至此。我不往彼。我若欲見安樂世界阿彌陀如來。隨意即見。我若欲見栴檀世界金剛光明如來。妙香世界寶光明如來。蓮華世界寶蓮華光明如來。妙金世界寂靜光如來。妙喜世界不動如來。善住世界師子如來。鏡光明世界月覺如來。